

22.2.2021_ Harian Metro_MOSTI_Program Imunisasi Covid-19 diawal pada Rabu ini

3



SEBANYAK 32,200 dos vaksin jenis Pfizer-BioNTech yang tiba di KLIA.

6



PASUKAN keselamatan mengawal ketat pergerakan trak DHL Express yang menghantar vaksin Covid-19 dari KLIA ke PSV.

Program Imunisasi Covid-19 diawal pada Rabu ini

Seperti: Program Imunisasi Covid-19 Kebangsaan diawalkan ke Rabu ini berbanding tarikh asal pada Jumaat dengan Perdana Menteri Tan Sri Muhyiddin Yassin menjadi penerima pertama suntikan vaksin Covid-19.

Menteri Penyelaras Program Imunisasi Covid-19 Kebangsaan, Khairy Jamaluddin ketika mengumumkan perkara itu berkata, Muhyiddin akan disuntik vaksin itu di Klinik Kesihatan Putrajaya selepas selesai Mesyuarat Kabinet.

Beliau yang juga Menteri Sains, Teknologi dan Inovasi berkata, program suntikan kemudian diteruskan dengan penerima berikutnya iaitu Ketua Pengarah Kesihatan Tan Sri Dr Noor Hisham Abdullah.

"Kita awalkan sebab pada asalnya kita beri beberapa hari untuk pengedaran vaksin ke pusat penyimpanan vaksin, NPRA (Bahagian Regulatori Farmasi Negara) juga kena buat penilaian logistik kepada setiap penghantaran vaksin itu, mereka perlu memeriksa penghantaran bagi memastikan tidak ada apa-apa kerosakan.

"Tetapi apabila kita melihat kepada kecukupan NPRA, Bahagian Farmasi KKM dan semua orang bersedia, kita dah periksa pusat penyimpanan vaksin semua bersedia, Perdana Menteri berkata mudakanlah lebih awal, tidak perlu tunggu sehingga Jumaat (26 Februari)," katanya.

Beliau berkata demikian pada sidang media selepas menyambut ketibaan vaksin berkenaan di Lapangan Terbang Antarabangsa Kuala Lumpur (KLIA) di sini, semalam.